

# 06 DECEMBRIE

## RUGACIUNEA 11

### SF. IERARH

## NICOLAE AL MIRELOR LICHIEI

#### Молитва

О великий архиерее, треблаженне Николае Мирликийский и всея вселенныя преславный чудотворче! Осиявый всю подсолнечную чудесы, скоро от всяких бед и скорбей изымая с верою призывающих тя, тихое обуреваемым пристанище и сущим в напастех теплый предстателю, присный к Богу молитвенниче о чтущих любовию святую ти память, присетивый благодатию, юже богато приял еси от Бога, и славный град Хлынов, всю страну Вятския земли ради явления честнаго образа твоего. И за еже преславно исцелений источник верным людям от образа твоего богато излиал еси. Призри и ныне, святителю Христов, последнего рода сего на народ и заступи град сей и всея Вятския страны люди, их же сам возлюбил еси, блаженне, избавляя от всяких бед, и скорбей, и напастей, и варварскаго нахождения, и междоусобныя брани, от глада же и губительства, от тлетворных ветр. Услыши мольбу, скорый в бедах заступниче, усердно тя на помощь призывающих прияти благодать ради предстательства твоего к Богу, тебе бо предлагаем преславнаго молитвенника и ходатая о спасении душ наших. Ко Излиявшему Себе о нас, Иже и зрак рабий приим, и в подобии человечестем быв, и о спасении нашем кровь Свою излиал, первее пострада, понос нам оставль образ, Иже и паки приидет со славою судити живым и мертвым, и воздаст комуждо по делом его, Его умоли молим тя, блаженне, страшнаго и нелицеприемнаго Судию, призирающаго на землю и творящаго ю трястися, не точию о граде, но людех сих, и о всей Вятстей стране, [и о царствующаго града о христолюбивых царех, и о боярах, и о князех,] и о всем христолюбивом воинстве, и всея великия России о всяком граде и стране, и о всем православном христианстве. Много бо дерзновение имаши к Богу, о святителю Христов, истинный пастырю словеснаго Его стада, положивый душу свою о порученных ти душах, простри и ныне преподобнии твои руце и умоли благость Его о смирившихся от грех, испроси благодать требующим щедрот Его, милостивно приемля нас в заступление свое. Избави ны от всяких бед, и зол, и бесовскаго обстояния, навет же и злохитрства борющихся, но свободи и изми ны от видимых и невидимых враг, и в жизни сей согрешением нашим прощение испроси, и спасенных нас Христу представи в день Страшнаго Пришествия Его. И Царствия Его Небеснаго улучите сподоби, присно моля за ны, недостойныя рабы. Его же испросим вси со слезами: о святителю Христов, о них же и молимся ти, блаженне, их же и надеемся получитьи ради теплаго предстательства твоего к Богу, Ему же о нас присно молися, блаженне, да молитвами свободившися от грех, получим милость ныне, и присно, и во веки веков. Аминь.